

无上黃籙大齋立成儀卷之十六

在六

東晉廬山三洞法師陸修靖撰

大唐清都三洞法師張萬福補正

上清三洞法師李景新集定

三洞法師冲靖先生留用先傳授

太上執法仙士蔣叔與編次

科儀門一

古法宿啓建齋儀

法師坐堂弟子九禮三伏衆官具威

儀贊引高功法師出堂上五帝三師

監齋三官天師暮香畢悉詣玄師幕

序立次齋官再拜上香執詞函於玄

師前自述修齋意詞再拜次齋官回

身捧詞函跪授法師師受詞訖齋官

再拜法師退立于右

次高功三禮上香告齋無定曰齋後今齋主每日設詞如告齋之法既初建齋時已於詞前告者每日重疊即於禮爲煩今止一度

具法位姓某上啓

三天化主玄中大法師今有大道弟子某官

具法位姓某上啓

某乙伏爲某事就某處修建

无上黃籙大齋三日三夜投詞列款關告真

靈今爲依按典儀建齋爲始當乞虛空監察

直日直時傳言侍香香官騎史關盟三界普

告十方證明功德使啓奏御達齋功成就存

亡受度幽顯霑恩兼及衆官等不勝激切懇

禱仰望之至各三

次監齋宣職狀狀畢告誓云登齋衆

官各揚乃職務在精潔真復感通使

家國雷息存亡受度不共其事科有

明文次唱道讚自告前至道讚出

次華夏引高功至外壇都門上香祝

白啓壇侍經宣啓壇疏次宣金鐘玉

磬儀古儀無此不用亦可次華夏讚引高功陞

外壇至地戶外立次高功於地戶之

左密誦入戶呪畢從地戶入升中壇

高功先入衆官次之出入戶呪出

次高功從天門入陞內壇上十方香

衆官就中壇旋遶訖依次立次上御

案香上香呪出洞次都講唱各禮師

存念如法出三次高功宣五方衛

靈呪出真次都講唱鳴法鼓二十

四通次三揀香呪出社

次發爐

无上三天玄元始三炁太上老君召出臣等

身中三五功曹左右官使者左右捧香驛龍

騎吏侍香金童傳言散花玉女五帝直符直

日香官各三十六人出出者嚴裝關啓某處

土地里域真官正神臣今正爾燒香奉爲某

官某人王馬七等修建无上黃籙大

齋三日三夜以今初夜宿啓壇朝真行道

補職宣戒關盟諸天願得

太上十方正真生炁降沈臣等身中今臣所

啓速達徑御

太上无極大道至真玉皇上帝御前各三禮

禮出三

建齋設醮自發爐至復爐懺謝之詞

皆仗仙靈傳奏故發爐末稱今臣所

啓速達總句徑御太上無極大道至

真玉皇上帝御前復爐末亦稱傳臣

向來所啓此句，但御太上無極大道至真玉皇上帝御前今之世師不明經旨，却於發爐中間添入詞意，極其醜陋，煩瑣天真，至於闢宣之際，巧求韻美，虛費光景，止一發爐費一二刻。其他可知，求其誠懇，果安在哉！祝文所稱，嚴裝闕此間土地里域真官，蓋以三界分司，咸有主職，太虛遠邈，未易通傳，人居地界，苟有啓告，須憑當處神司，次第宣達，方其感通，故太極敷齋威儀，出身中及法錄治官，關啓治廬靖化四面方位，歲讀丘岳諸廟神祇土地之主社稷將吏，同為上啓，而杜廣成懸儀，聖真之外，必別設日直土地之位，正以關奏情詞，根元本始，在此故也。雲光張若海鳥足語，此乃指以為候於五代石晉天福中著之論說，甚矣其無識也。所稱太上無極大道至真玉皇上帝，舉六合範圍之大執，有外於道系者，至真玉皇

不知包括多少帝尊為稱，而揚條修金錄，改為三階上聖昊天玉皇上帝，是求之於區區色相之間矣。況不本經文，輕以私意更易，今不取除見舊法信門。次高功上本位香侍香引齋官左行此方。上十方香此北方。次都講唱各攝法位衆官兼攝所文釋蘇。具法位奉行黃籙大齋法事臣某等。今故燒香願以是功德上為。天子王侯土地官長，經籍慶師山林巖栖學真道士同學之人，弟子共所為亡靈九祖父母存亡兩代眷屬親緣內外姻族天下人民，飛行蠢動一切衆生，今故燒香願身皈神皈命。太上十方靈寶自然至真无上大道特乞赦除前世今生生死所行宿對重過得免，離三惡之道，十苦八難九厄之中，身得道真，處行虛空白日升天，侍衛道君，道通无上金闕七寶自然宮殿，永與道合，所啓玄感，應聲上御至真無極道前此金錄簡文。

次都講唱禮十方志心皈命北方無極太上靈寶天尊一拜東北方 東南方 南方 西南方 西方 西北方 上方 下方。次都講唱各皈命懺悔法師見儀。臣法衆等志心皈命無極大道天尊懺悔齋主，某臣衆等及一切衆生前世今世身形所犯四肢舉措動違戒律，不依經典身業大罪，无量无边，並乞蕩除，皆願齋主某臣衆等及一切衆生身入至仙會道，合真稽首禮謝。无上十方正真三寶一拜。臣衆等志心皈命無極大道天尊懺悔齋主，某臣衆等及一切衆生前世今世心業所犯，志念不專，情得意動，馳騁不息，心業大罪，无量无边，並乞蕩除，皆願齋主某臣衆等及一切衆生神合真寂洞入自然稽首禮謝。无上十方正真三寶一拜。臣衆等至心皈命無極大道天尊懺悔齋主，某臣衆等及一切衆生前世今世口業所犯，善惡及論綺語，飾非華詞，惑衆口業大罪，无

量无边並乞湯除皆願齋主某臣眾等及一切眾生性命合道玄會無為稽首禮謝
无上十方至真三寶一拜

次都講唱曰

臣眾等志心皈命太上三尊十方眾聖禮經如法

次吟三啓頌三首每首一拜此智慈本願大戒經

樂法以為妻 愛經如珠玉 持戒制六情

念道遺所欲 澹泊正炁停 蕭然神靜默

天魔並敬護 世世受大福

鬱鬱家國風 濟濟經道典 天人同其願

縹緲入大乘 因心立福田 靡靡法輪昇

七祖生天堂 我身白日騰 鍊質入仙真

大道洞玄虛 有念无不契 鍊質入仙真

遂成金剛體 超度三界難 地獄五苦解

悉皈太上經 靜念稽首禮

次一時稽首禮三寶

都講唱曰

至心稽首禮

太上無極大道一拜

至心稽首禮

至真無上三十六部尊經真文寶符一拜

至心稽首禮

太上三尊十方眾聖玄中大法師一拜

次高功左行至東方執真文香上熏

之舉靈妻阿會四字東官隨聲呪曰

靈妻阿會 無怒觀音 須延明首 法攬香雲

稼那阿美 忽訶流吟 華都曲麗 鮮善育臻

答落大梵 散煙慶雲 飛洒玉都 明魔上門

無行上首 回躡流玄 阿陸龍羅 四象吁員

衆官再拜置真文於東案以金龍鎮

之玉尺壓于兩傍次高功左行至南

方執真文香上熏之舉南閣洞得四

字衆官隨聲呪曰

南閣洞得 玉眸詭說 梵形落空 九靈推前

澤洛善臺 綠羅大千 妙弄九龍 詔誥緣蓮

雲上九都 飛生自霧 那育郁觀 摩羅法輪

靈持无鏡 攬姿蓮容 觀明那美 神櫻自官

衆官再拜置其文於南案以金龍鎮

之次高功左行至西方執真文香上

熏之舉刀利探猷四字東官隨聲呪

曰

刀利探猷 婆泥各通 宛藪潑色 太妙之堂

流羅梵胡 景蔚肅端 易逸無寂 宛育少都

阿繼郁空 華莫延由 九開自辨 阿那品首

無量扶蓋 浮羅合神 玉誕長祭 栢空度仙

衆官再拜置真文於西案以金龍鎮

之次高功左行至北方執真文香上

熏之舉攬无自有四字東官隨聲呪

曰

攬無自有 九日導乾 坤母東霞 形攝上玄

陀羅育逸 妙炁含雲 飛天大醜 總監上天

沙施劫童 龍漢瑛解 碧落浮黎 空歌保珍

惡夷無品 洞妙自真 元梵倏漢 幽寂度人

衆官再拜置真文於北案以金龍鎮

之次高功左行至御前取中央真文

於香上熏之舉黃中理氣四字衆官

隨聲

張清都靈寶五鍊生尸齋儀黃

靈鍊星吐精流鍊神

形與此不同當考

呪曰

黃中理氣 統攝元窮 鎮星吐輝 流鍊神官

衆官再拜置真文於案上以金龍鎮

之高功再舉東方玉字重委何會次

南方次西方次北方次中央如初衆

官同舉咒五方玉字一編單高功歸

位出五錄

次宣十方靈官疏

次唱重稱法位

具位奉行黃籙大齋法事臣等謹上啓

太上無極大道元始天尊太上道君太上老

君十方已得道大聖衆天尊至真大帝天帝

三十六部尊經玄中大法師天師君上相上

宰四司五帝三界官屬一切真靈臣等幸以

宿緣生逢大化九天之劫延及今身三寶開

圖三乘御運真經演教大道垂科秘錄靈文

和天安地上保國祚下濟存亡得以凡微授

傳真品而受法之日盟告三官教物度人立

功為本是宜弘宣秘妙開化未聞凡有歸投

理宜關奏况奉詞旨敢不上聞

聖司

案如詞旨備極精虔齋主某夙值良緣依

至道義形報薦為志切修崇切慮亡靈某及九

玄七祖德劫種親六趣三塗無邊苦業生世

之日罪惡難稱死入地獄終天無解願祈恩

霽開濟存亡懺謝玄真披解宿對上資家園

下祐羣生臣等不勝所見謹相鵠率依下元

黃籙簡文靈仙品格於某處靈壇之上設玄

科之式四界八極法天象地以某所齋金龍

繒絲安鎮十方本命絞繒若干入證質丹誠

沐浴五體洗心靜念尅用今月某日修奉

无上黃籙大齋勝詞效狀燒香轉經然燈續

明照耀諸天三日三夜九時行道拔度亡靈

某及弟子某家億萬萬祖因徒死魂惡對罪

苦謹依科法宿啓以聞恩惟

太上三尊十方至聖玄中大法師垂神鑒映

省覽所陳乞教勸靈寶官屬土地真官一合

同心併力營衛齋所掃蕩內外清淨壇場降

伏妖魔賊滅邪祟使臣等心安神定思念立

感天清地朗啓奏仰達齋功成就無有室礙

臣等雖佩至真參修大法處身五濁染跡六

塵三關未調六情放誕仰賴禁戒以檢身心

輒依明科說戒威儀使同齋之人咸知法訓

明展行道續更啓聞謹啓

自然朝乃齋法之祖建齋之始必先行自

然朝案唐稱名位皆十方儀三因以敷露

真文讀詞說戒補職宣禁即本科所謂謹

依科法宿以啓聞是也未稱明晨行道續

更啓聞蓋謂明旦方始正齋行道耳既欲

為人建齋則當預告真靈以修齋之意古

科宿啓必在建齋之日子時而陸天師所

撰靈寶道士自修盟真齋儀則不宿啓止

於齊日清旦說戒接續登齋行道繼以言

功口表正

經科止云建齋當先行自然朝初無宿啓

散壇之文故也雲光張若海智識膚淺不

親經文輒以己見肆為妄論筆之於書凡

二十條大悖經教遂使後世不學之徒乘

非蹈謬悉於宿啓之前說戒補職且補職

校簡然後升壇杜廣成先生固嘗非之矣

說見齊法李景祈所集齋科却於建壇之

日午後先於大道前行自然朝說戒復歸
玄師暮禱職宣禁至夜方始依科宿啓則
是於未建齋之初一日之間兩行自然朝
也不幾餐乎尚在竹官曾與留冲靖論及
此留冲靖以為止緣宿啓之夜分燈破獄
召靈沐浴事緒極多若不如是則畧漏有
限將有不逮事之憂然畢竟非古法今悉
改從本科倘宣行齋事不求觀美於誦誅
繁文之末止依經科修奉要亦自有餘力
好古之士共弘之焉

次吟智慧頌三首

每首一拜
念

智慧起本無 朗朗起十方 結空峙玄霄
諸天挹流芳 其妙難思議 虛感真寶通
有有竟不有 無無无不無
智慧常親身 學道之所先 渺渺任玄肆
自然錄我神 天尊常擁護 魔王為保言
晃晃金剛軀 超越太上前
智慧生戒根 真道戒為主 三寶由是興
高仙所崇受 況此不死舟 修歛濟大有
當此說戒時 諸天成稽首

次旋行一周法師面東立

次唱禮十方

眾官等各各首體投地默禮十方方
各一拜從此為始

次唱眾官平生說戒威儀

于於壇前同受戒
法師三點香此戒

天尊告太上道君曰今當普宣法音開悟羣
生為諸男女解災却患請福受命後諸苦根
使生者見道身脫八難死者惟樂飲食天堂
早生人中轉輪聖王之家修齋求道皆當一
心請奉十戒諱受勿忘專精默念洞思自然
勿得雜想攪亂形神能如是者便當靜聽
第一戒者心不惡如无生陰賊檢口謹過想
念在法
第二戒者守仁不殺懲濟羣生慈愛廣救涸
及一切
第三戒者守正避義不淫不盜常行善念損
已濟物
第四戒者不色不欲心無放蕩正潔守謹行
無玷汙

第五戒者口無惡言言不華綺內外中直不
犯口過

第六戒者斷酒節行調和氣性神不損傷無
犯眾惡

第七戒者不得嫉人勝已爭競功名每事推
遜退身度人

第八戒者不得評論經教訾毀聖丈躬心承
法常如對神

第九戒者不得闢亂口舌評詳四輩天人咎
恨傷損神炁

第十戒者舉動施為平等一心人和神穆行
常使然

已上十戒能持否 眾官各稱能持

天尊言修奉清戒每合天心常行大慈願為
一切普度厄世慷慨專教不得中怠寧守善
而死不為惡而生於是不退可得拔度五道
不履三惡諸天所護萬神所敬長齋奉戒自
得度世

天尊言道尊法妙人身亦貴故道闢法遺戒
經文以度人人身既度上與道同宜為精

行持齋戒。戒心靜默。志念分明。一意皈向。專相不貳。滌蕩六腑。過中不味。內外清虛。每合自然是其齋日。撲香於願。應心上微。四天司邏十部威神。即下履行。親聽至音。鑒朕爾心如戒。行道皆列功。諸天禍福。立彰道不負人勤行。諦受勿使虛言。

天尊言。建齋行道。四天帝王。皆駕飛雲。綠幘八景玉輿。侍從真人。玉女手執花幡。前導風歌。後從天鈞白鶴。獅子嘯歌。豔燒香散。花浮空而來。瞻禮行道。觀聽法音。天王下降。萬靈朝焉。如是。豈可不盡其法也。當先受十戒。然後行道。庠序雅步。靜心閉意。坐起卧息。不離儀格。天王權悅。列名上清。可謂得道。在方寸之間。此智慧上品大戒。經元始天尊以開空元年於西那玉國。授太上道君。

道為無心宗。一切作福田。立功無定主。本願各由人。虛已應眾生。注心莫不均。大聖弘至教。亦猶雨降天。高陵靡不周。常卑故成淵。海為百川王。是能含龍鱗。萬劫保智用。豈但在厥年。奉戒不暫虧。

世世善結緣。精思念大衆。會當體道真。

次高功選舉官衆

明日行道各典所職

高功法師。經云。當舉高德。去解經義。斯人也。道德內充。威儀外備。俯仰動止。莫非法式。

三界所範。鬼神所瞻。關啓祝願。通真召靈。

釋疑解滯。導達羣賢。法師再拜受。簡畢又再拜。

都講經云。才智精明。閑練法度。其任也。行道時節。上下食息。先白法師。次引衆官。禮拜揖。遜皆當讚唱。受職者在位。再拜。高功位。又再拜。受職者。簡畢。轉位。又再拜。

拜衆官

監齋其職也。司察衆過。彈糾愆失。秉執科憲。隨事舉白。必使允當。不得隱蓋。

侍經其職也。營衛尊經。整理巾蘊。高座几案。

四坐席地。拂飾齊整。不得懈怠。

侍香其職也。料理爐器。常令火然。灰淨。三時行道。二上轉經。皆預辦備。不得臨用有闕。

侍燈其職也。景臨四方。備辦燈具。依法安置。先焰火。然常使。胡明若。遇風雨。火勢不立。啓白法師。宜停乃停。不得怠替。輒令闕廢。

右證舉六職。出金籙簡文。是為登齋威儀。陸天師靈寶齋說。七燭戒。罰祝願儀。叙云。先宿啓畢。次授上品十戒。東向平立。誦智慧頌。誦畢。北向首體。投地。回心。禮十方法師。還東面。西說戒威儀。說戒畢。法師依舊。

還署衆官長跪。受簡。劄明日行道各典所署。還署畢。東向祝復香。衆官引行。出治按次。列坐。法師更為宣科。訖。禁告示威儀。則是說戒補職。宣禁。必當在宿啓後。於科已。有明文。然禁制威儀。却於復香之後。方告示者。非他蓋。陸天師所說禁制。自太極三十六條外。其餘項目甚多。如第一。當使香油充足。淨水盈餘。不得乏少。臨用有闕。次當修治。園厠。令上下蔽密。不得微露。又建齋。結坐。不得令散外之人。參雜坐席。供辦齋食。每箇素清。淨齋日。清旦。下白粥菜。蕪菹。豉。日間設食。菜羹。菜茹。蕪蕪。之屬。竟設大餘。依廚料。狀本科。無酒。事有明文。等法。禁極為纖悉。乃是欲使齋主。咸服法訓。

十戒不止為六戒。勢只得在復爐後說之。說當與齋主同受。

為合宜也先行自然朝然後說戒補職威儀由晉迄唐相沿不革自雲光張若海還妄謬不經之說著元壇刊誤漢學者或宗其說古法始漸湮微崇真先生固嘗深闢之矣據雲光云今修齋道士嘗日齋集至夜自玄中法師前齋主投詞法師關告後便升壇行事至大謝後即轉洞案說戒補職何倒錯之甚也又云朝真之科與國家裡祀禮同享前七日太尉於都省集齋官戒誓未聞徹祭之後方戒齋官也今道士登齋重啓謝後說戒聽其戒辭又非齋意自說初入道披度戒文次第乖違序序顛倒良由昔人不能刊改按用課科致後後來乘此誤本其餘妄謬未易舉抑不思太上天尊開玄都上官紫微玉笈出靈寶妙齋開度群品威儀之格具載經文靈者神也微妙之功出於思議之表變化無窮故謂之靈寶者一也三才所得而以清寧正者也所不可失故謂之寶人居濁世三關躁擾不能閱停身為救盜淫動故役之

以禮拜口有惡言綺妄兩古故課之以誦經心有貪欲嗔恚故使人之以思神用此三法洗心淨行心行精至齋之義也太極真人演經文而著齋戒威儀之訣陸天師撫經訣而撰齋謝戒罰之儀三籙九幽解考塗炭三日七日一時九時品目雖繁儀矩則一沿流窮源舍太極真人及陸天師果何適矣雲光未識妄肆評議崇真先生謂其任庸鄙之淺見派賢聖之崇規賊壞玄綱非聖無法僧諸泥鰻井蛙不知滄海之大二十件之乖謬詳細疏啟文具道藏本朝興崇玄學經經潤文並置使矣楊保重定金籙乃或因之是可為長嘆者也就雲光所言今世開建大齋齋主必預投詞法師受詞與之關奏亦在一月之前次第逆拜章書須宣符命豈不謂之先行其事若必以為先行事而後補職謂之顛倒又安可於未發預告正奏之前令高功先補職邪竊詳經科垂補職之文為明展行道設耳宿啓敬壇不與正齋相涉雲光乃總

正齋言之謂為十一朝法事宜其為說如是紛紛也太上垂齋直懺謝之法普度天人津梁品彙罪就可懺福亦隨臻居三界中因緣輪轉塵染業累種種成愆觸犯三光欲瀆十方經寶積為罪目結在九幽欲析赦投必先使之隨方懺謝蓋為此也二十方懺文則見於黃籙簡文三元品戒經十方懺文則見於真文要解玉匣盟真科經豈塵世郡夫所可擬議哉一日修奉止曰齋會三日以上方謂之齋戒七日或九日又者一月具載經科行道懺謝之文則一不以重復為嫌也自雲光謂三日道場凡有十一朝法事方懺尚占九場齋主齋官久立行事跛倚壇席其何以堪但書懺文一讀而已或於大謝之後宣讀三兩過只須易換懺文不可三日內重讀舊文而後之行齋事者姑務去繁就簡習為穿鑿矣夫上清齋禮九天而九天帝即天尊也科云天尊無量天尊是也洞神齋十方外復設中央香案則十一方也靈寶盟真齋雖懺十方至

金蘇簡文自然齋禮十方之外復禮四極則十四方也黃蘇三元齋謝十方外復禮三光五嶽水府經實則二十方也禮方之位雖殊總之不離乎十蓋元始於空界分作十方諸天五德世界三十一一域中各有十方三界日月星宿天曹地府九幽地獄天尊數景分形世間周遍隨機所感說法度人聖真仙品高下等級蓋非肉眼凡夫所能窺測故上清科以元始次於九天元父玄母之後不為讚啓靈寶經以三十

二天三十二帝躋於元始上帝太上道君之上不為襲尊以各有所因故也自雲光謂法師先上十方香是先降十方真炁凡對三清啓奏不兼諸天尊號者乃是瀆無再三三專無二上今之修齋者宜詞及三上香後却禮十方或兼懺謝又更禮日月星宿五嶽水帝亦有懺文十方天尊與日月星宿於三清前猶可無幾五嶽水府之神大不穩便而後之行齋事者始不知所適從遠有東青西素南丹北冥鄧都大帝

閣羅天子等禮悉以都懺從事矣夫為道修齋當奉戒法廣度無極法禁微妙檢攝意態伏心純淨殃垢消滅智慧自生拔生死難就無為地深觀所起察其所滅因其所病瘳以慧藥若見色利以戒掩目若聞惡言以戒塞耳若之甘香以戒杜口若放情慾以戒挫心若趨惡事以戒折足身不犯戒超出塵羅可為整百行建萬善者也受持清戒乃可修齋靜思反聽內視口不妄言身不妄動故無色之色為之見無聲之聲為之聞無味之味為之甘不言之言為之應神明為之降福氣為之臻未然而福無願不獲若外不奉威儀內不守戒律行無可紀功無可著精誠不至猶豫像疑內外不相應心口不相副性急性戾陰賊嫉傲念慮疲於外馳精神消於多慾難修齋直終身無福以心至不存於內魂魄勞役於外和炁無主故不能有所感動也修齋說戒壇官齋王威令各持安可分別自雲光不見智慧上品大成經謂聽其戒辭非齋意自說初入道披度戒文而後之行齋事者始務立異好奇恣為誇誕遂有不得整壇之際少懈威儀入靜之時啓端喧闐等戒矣燒香行道懺罪謝愆則謂之齋延真降聖乞恩請福則謂之應齋懺儀執不得而同今雲光乃謂齋直朝真與國家禮祀禮同而香蔬肴醴有異是全不識齋法本末源流矣烏足怪哉選舉六職若依陸天師舊文本不容讓自近代今都講昌補六職而又於職事之下添入上下會議以某人充等語明有室礙高功法師豈會衆所可補充者耶今悉改從陸天師本科庶免後來者之感

次都講唱衆官等平坐宣禁威儀三
六禁出本
法成儀經
 法師曰夫齋法清虛威禁至重主人當洒掃屋宇每潔淨丁敕大小內外寂靜不可使香油闕乏法用有虧
 道士登齋各齋巾褐版履不得臨時交換彼我公事有闕勿得牽引非已之服

道士登齋起居皆當闕白監齋禮法師一拜

禮香三拜而去還亦如之張萬福天師曰

白禮若到齋堂履屨不整罰油二斤准禮二十拜

交拜者類輸本色及以香油准禮者聽

若坐起不序序罰油半升准禮五拜

若不正坐罰米半兩准禮五拜

若臨行法事與外人交言罰香一斤准禮二十拜

若顛覆香火罰香半斤准禮十拜

若講及世務罰香一斤准禮二十拜

若語言戲笑罰米一兩准禮十拜

若綺言低睡罰米半兩准禮五拜

若蠟燭燈油罰油五升准禮五十拜

若巾褐不整罰香半斤准禮十拜

若都講讚唱失儀罰香一斤准禮二十拜

若執紼見過不彈私隱罰油六升准禮六十拜

若侍經不整飾高坐觸物有闕罰香半斤准禮十拜

禮十拜

若侍香香烟中絕罰油四升准禮四十拜

若侍燈燈火中滅罰香一斤准禮二十拜

若齋主內外不相檢教音聲高厲罰油五升准禮五十拜

若聽經倚據不執簡罰油一升准禮十拜

若不注念清虛心想意倦為眾所覺罰油三升准禮三十拜

若出入齋堂不闕白監齋罰油二斤准禮二十拜

若垂髮馳步罰香一斤准禮二十拜

若讀經或亂請問敗句罰油三升准禮三十拜

若唱念聲不齊罰油二升准禮二十拜

若陞壇不洗手漱口罰油二斤准禮二十拜

若坐起揖遜失儀罰油半升准禮五拜

若旋行不依次第及逆行罰香半斤准禮十拜

若起行來及還坐不禮經三拜徑去者罰香一斤准禮二十拜

若臨燒香突行罰油一升准禮十拜

若齋主供辦餽事有闕罰香一斤准禮二十拜

若受關不啓上罰油三斤准禮三十拜

若齋次因起居逃遁不返為眾所糾罰香五斤准禮一百拜

若犯威儀彈罰不伏者啓告三寶退出齋次

若下坐眾官法事有虧從一至三依科彈罰

從三已上退出齋次執紼不彈與犯同罪

若上坐法師於事有虧自取愆失送簡監齋

從一至三依科彈罰從三已上斷功三百

日不得又在法坐

太極法師曰凡此禁制皆玄都上宮明科舊

格戒其情慢檢其愆違違違之時四天帝王

天真上聖親降齋所瞻禮行道察其行藏觀

其誠志若有過失即敕四司五帝詔下三官

隨事糾舉加其災考天尊大聖哀念世愚不

欲使其因齋獲罪故開罰紼之門使其知過

過而能改罪亦消焉受罰之者責已甘心恭

敬聽命勿得飾非諍競干冒真靈如此則弘

整紀綱解消殃咎落罪名於既往延福祉於

將來得不翼其小心度度夕惕若親奉大聖躬朝國君即真靈感通福祥臻集登齋之士勉而戒之出靈寶科

次都講唱監齋受罰簡監齋受罰三拜而起

香官使者左右龍虎君侍香諸靈官當令開建黃籙齋壇之所自然生金液丹碧芝英百靈眾真交會在此香火爐前當願齋功成就存沒露恩十方仙童玉女侍衛香烟傳臣向來所啓遲御

太上無極大道至真玉皇上帝御前

次吟學仙空洞頌出壇出步虛經空洞靈章經

次出戶呪法師能眾官出地戶界於戶內向地

次參恭至玄師前高功三捨香小啓

謝過三禮出社

次回向

次都講唱監齋辭過監齋隨有無言之

次都講唱啓齋事畢眾官復位

次威儀迎師歸堂齋主弟子禮謝法師

杜廣成先生曰啓齋既畢眾官與齋主弟子禮謝法師迺相致賀弟子當虔誠致禮不得傲誕自高自建齋之後至散齋已前法師昇壇轉經行道既服朝服又冠元冠禮絕眾官是為壇主雖眾官有拜昏不合荅茅山台嶽

此法久行峨蜀之中尚未詮舉若互相交禮何表法儀今但依行蔗全網紀散壇之後一切如常可也

无上黃籙大齋立成儀卷之十六

无上黃籙大齋立成儀卷之十七

上清三洞法師李景析立定

三洞法師冲靖先生留月光傳授

太上執法仙士蔣叔興重修

科儀門二

古法三時行道儀

法師坐堂弟子九禮三伏香花華夏

引師出堂參詣六幕如宿啓之儀法

師左行自地戶入壇入戶呪

次華夏左旋入壇昇天門上十方香

東方為始御案香

次高功宣五方衛靈呪出真文要解妙經

東方

九炁青天 明星大神 煥照東鄉 洞映九門

轉燭陽光 掃穢除氛 開明童子 備衛我軒

收魔束妖 上對帝君 奉承正道 赤書玉文

九天符命 攝龍驛傳 普天安鎮 我得飛仙

南方

南方丹天 三炁流光 燦星轉燭 洞照太陽

上有赤精 闡明靈童 總御火兵 備守三官